



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Prætermissa Libri Quarti.

urn:nbn:de:hbz:466:1-38397

Obiit anno 1177. *Metropolis Salisburgensis.*

Pag. 409.

lin. 36. cœnobii) adde; S. Altho, Scotus, monachus, & primus Abbas cœnobii quod ab eius nomine Altomunster uocatur, miraculis clarus. Vixit anno 750. & quod excutit. *Metropolis Salisburgensis.*

Pag. 410.

lin. 38. Lerinenses] adde. B. Arcandus, Gallus, primus Abbas monasterii SS. Ferreoli & Ferrucii, extra ciuitatem Bisuntinensem, quod nunc est intra ciuitatem sub nomine S. Vincentii, multis miraculis fertur suo tempore claruisse.

Pag. 417.

lin. 33. Abbatis) adde; S. Hildegrinus, siue Hallegrinus, Abbas Eremiti S. Hallegrini, quæ nunc monasterium SS. Petri & Pauli Balmenfe appellatur, in comitatu Burgundiæ, uir admiranda & incomparabilis sanctitatis.

Pag. 423.

lin. 19. c. 50.) adde; B. Reginaldus, monachus & Abbas monasterii Balmenfis in Burgundia, sanctitate & miraculis in uita & morte clarus.

P R Æ T E R M I S S A

Libri Quarti.

Pag. 445.

lin. ultima. Papæ) adde: Gunildis, Henrici III. Imp.

Gunildis, alias Cunildis, Cunegundis, siue Eliphtruda, tot enim eius nomina reperio, Canuti Magni, Daciæ, Suetiæ, Noruegiæ, & Angliæ Regis filia, ac Henrici II. alius III. Nigri Imperatoris uxor prima, de adulterio ab ipso accusata, sed miraculosè erepta, eo relicto ad monasterium confugit, ibique sacro tecta uelamine, ad mortem usque, quæ accidit anno 1038. die 15. Calendas Augusti in Italia, in Dei seruitio, & monastica obseruantia perseuerauit. *Contractus in chro. ad an. 1038. S. Antoninus in sum. hist. parte 2. tit. . . . cap. 4. §. 2. F. Stephanus Lusignanus corona 4. cap. 22. & alij.*

Pag. 450.

lin. 55. 650.) adde. In uita S. Iudoci eius filii, quæ est apud Renatum

tum Benedictum in uitis SS. Gallie, fertur genuisse ex uxore sua Pritela liberos uiginti, sexdecim mares, feminas quatuor, omnes in album Sanctorum post mortem relatos.

Pag. 457.

lin. 4. Polæ) adde. in monasterio S. Michaelis subterraneo, siue ut dicunt de sotto terra, quod erat in illa ciuitate tunc magnificum:

pag. 475.

lin. 27. & alii) adde; S. Gifala, alias Gilla, S. Stephani Hungaria, Patani.

Sancta Gifala, siue Gilla, Henrici Hezelonis, Saxonie, & Bauarie Ducis, ex uxore Gifala filia, ac S. Henrici Claudii, Imperatoris soror, nuptum data S. Stephano Hungarie Regi, cum esset Deo deuota, & moribus sancta, ad hoc sua instantia Regem adduxit, ut se & totam Hungarorum gentem à S. Adalberto Episcopo & monacho baptizari expeteret; & tandem post uiri sui, filiiq; S. Emerici mortem, ad suos reuerfa, in monasterio S. Mariæ Pataniensi velum recepit, & prodentibus meritis Abbatissa illius loci secunda, post Helicam Amitam suam electa, bonis & sanctis operibus plena, in pace quieuit, iam plusquam centenaria, si Epitaphio eius credimus, quod in hodiernum in eodem cenobio legitur hunc in modum.

Anno M. XCV. Non. Maii, obiit Gysala, S. Henrici Imperatoris soror, vxor Stephani, Regis Ungarie, Abbatissa secunda huius loci, hic sepulta adito dextro latere, que tam uiro, quam filio orbata, Pataniam in hoc monasterium venit, in quo primum habitum monasticum assumpsit, paulò post Abbatissa designata, monasterium præclare illustrauit & auxit.

Hæc ex Metropoli Salisburgensi.

Pag. 489.

lin. 23. & alii) adde: Fridericus, Caroli Calui Imp. filius.

FRIDERICVS, Caroli Calui Imperatoris filius, monachus monasterii Fuldenfis in Germania, post nonnullos in religionis proposito peractos annos, ad Patriarchatum Aquilegiensem euectus an. 884. inter multa bona opera quæ per annos 13, operatus est, Conceptionis Beatæ Mariæ festum diem in suis Ecclesijs omnium primus fertur instituisse.

se. Obiit anno salutis 897. *Franciscus Tunes in compendio
uir. ill. Ord. S. Ben. & alij ad Patriarchas Aquilegienses citati.*

Pag. 492.

lin. 29. Carolina] adde: *Alpaida, Ludouici Pij Imp. filia.*

*Alpaida, Ludouici Pij Imperat. sed ex qua uxore nescio, filia,
& Begonis potentissimi Principis uxor: post uiri mortem
monasterio S. Petri sanctimonialium, quod est Remis, a Pa-
tre donata, & Abbatissa praefecta, anno Domini circiter
830. in eodem defuncta, & sepulta est. Renatus Benedictus in
uita S. Rigoberti Episcopi, quae est 4. Ianuarii, SS. Gallie.*

pag. 497.

lin. 2. & alij] adde: *Viguleus Hundtamen in Metropoli Salsburgensi
dicit monasterium Tulnense pro virginibus S. Dominici anno
1280. a Rodulpho Imperatore fundatum: in quo uerisimile es-
set hanc nostram Euphemiam fuisse uelam; at cum ex histo-
riis eius mortem inueniam anno 1278. duobus annis ante fun-
dationem praedicti monasterij Dominici, nihil de nostro pro-
posito immutare uolui. Si quis tamen Dominici eam Ordinis
probanerit cum ueritate, libenter sententiam nostram retracta-
bimus.*

pag. 515.

lin. 28. Belgii] adde: *S. Bona Sigeberti Austrasie Regis filia.*

*S. Bona, Sigeberti II. Austrasie Regis, ex uxore Frideberga, filia,
ab ineunte sua aetate Deo dicata, & monasticam uitam pro-
fessa in monasterio S. Petri Remis, a fratre suo S. Bandrico
constructo; crescentibus postmodum meritis in Abbatissam
electa est, & post mortem sanctorum adscripta catalogo:
& ut talis ab Ecclesia sacrosancta ueneratur, una cum ne-
pre sua S. Doda Abbatissa, die 24. Aprilis. Renatus Benedi-
ctus in eius uita, in uitis SS. Gallie.*

Pag. 525.

lin. 21. alij infiniti] adde: *S. Aurelia, Lotharii Francie Regis filia.*

*Sancta Aurelia, si recte ratio temporum inita est, Lotharii Fran-
ciae Regis filia, pro amore Christi sponsum fugiens, Ratis-
bonam adiit, ubi a S. Vuolfgango humaniter excepta, & ab
eo, qui eius uotum nouerat, in monasterio quodam solitu-
dinis, non procul a ciuitate, sanctimonialis reclusa, in pœ-
nitentiae luctu annis 52. perdurauit: & cursu mortalitatis
suae peracto, feliciter migravit ad sponsum immortalem,
quem*

quem mortali prætulerat, idque anno sponsi sui 1027. die
15. Octobris. *Vigileus Hund in Metropoli Salisburgenfi.*

Pag. 526.

lin. 35. & alii] adde: *Maria, Clotharij, Francie Regis filia.*

*Maria, Clotharij Francorū in Gallia Regis filia, & Clodulphi Au-
strasie Ducis uxor, transeunte marito ad religionem anno
650. eodem & ipsa spiritu agitata, in monasterio S. Marie
Treuirensis accepto uelo se inclusit, & in bonis operibus
perseuerans, requieuit in pace. Renatus Benedictus in vi-
ta S. Clodulphi, SS. Gallie.*

PRÆTERMISSA Libri Quinti.

Pag. 692.

lin. 3. eundem lib. 1.] adde:

De uita S. Edmundi Regis & mart. lib. 2.

De motibus Stellarum, lib. 1.

Rudimenta puerilia, lib. 1.

TOTIVS OPERIS FINIS.